



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Enchiridion Sev Manuale Episcoporum Pro Decretis in  
Visitatione, & Synodo, de quacumque re condendis.**

**Gavanti, Bartolommeo**

**Venetiis, 1650**

Index eorum, quae adduntur, & omittuntur, Visitatore inferiore visitante. §.  
XIV.

**urn:nbn:de:hbz:466:1-9534**

- 4 In visitatione locali scribatur accessus Visitatoris, quo die, mense, & anno quibus comitibus, quomodo receptus quæ singillatim egerit usq; ad Visitationem ipsam locorum: quæ describetur ordine, quo facta est, iuxta Indicem §. 8.
- 5 Si quæ decreuerit, & executus fuerit Visitator statim, ex ijs, quæ in Indice §. 10. statim ibidem notet: si non executioni mandatum fuerit, referatur in 3. partem.
- 6 Visitatio personalis eodem ordine, quo in Indice §. 11. describatur.
- 7 In tertia parte scribantur Decreta localia, & personalia, ordine locorum servato in Visitatione locali, addito spatio temporis, & pœna.
- 8 In quarta parte referuetur omnis ratio reddita administrationum locorum piorum, ordine quo supra.
- 9 Ultima pars continebit Acta Iudicialia, citationes monitoria, sequestra, examinationes testium, & actus iudiciales, siue civiles, siue criminales Visitationis.
- 10 Exemplo Decretorum cuique loco visitato relicto, mandabitur Rectori, vt præterea eadem Decreta scribat in libro ad hoc deputato, ne folia pereant, quod accedere facile potest.
- 11 Deberent etiam in libello separato, seu in fine cuiusque loci Visitationis localis, procurationes notari, ad posterorum informationem.
- 12 Demum ea etiam notari, quæ ad Sacramentum confirmationis, benedictionis, & rerum consecrationes spectant, eo loci, quo peracta sunt, in eadem Visitatione locali.
- 13 Notarius diligentior in fine Visitationis ciuitatis, seu Diœcesis representabit statum ciuitatis, seu Diœcesis distinctè ad eam formam, quam nos præscripsimus in Praxi celebrandæ synodi par. 3. cap. ultimo.
- 14 Fidelem, & sinceram totius Visitationis, seriem, & Acta, ne patiatur Notarius desiderari: libris .n. Visitationum plena fides præstatur, vt probat Vilagut loco supra cit. num. 34.

Index eorum, quæ adduntur, & omittuntur, Visitatore inferiore visitante.  
§. X I V.

- 1 **D**antur literæ patentes ab Episcopo cum ea facultate, quæ eidem videbitur opportuna: exemplum dabitur infra.  
Leguntur hæ patentes literæ in vnoquoq; *Barth. Gan. Pars Secunda.*

- loco ante actum Visitationis.
- 3 Omittuntur ea, quæ ad Pontificalem spectant dignitatem.
  - 4 Stola supra cottam indutus facit absolutionem defunctorum, visitat Sanctissimam Eucharistiam, Olea Sacra, Reliquias & Baptisterium.
  - 5 Ceteræ vt supra.
  - 6 Visitationi finem imponet, vt infra.

In 'ex agendorum proficue Visitationis. §. XV.

- 1 **D**antur Rectoribus locorum singulorum propria Decreta à Notario subscripta; publicanda ab iisdem Rectoribus, etiam alijs, ad quos pertinent.
- 2 Approbantur rationes administrationum redditæ, si bene fuerint redditæ, cum superscriptione Visitatoris, vel Deputatorum ab eo, vel Notarij. fiunt præcepta, vt soluant ijs, qui debent, intra certum terminum, sub pœnis dupli, & alijs.
- 3 Causæ criminales si longiores sunt, referuntur foro Vicarij Generalis.
- 4 Eodem modo civiles, si finire non queant intra dies Visitationis.
- 5 Vicarijs Foraneis mandati potest, vt sibi describant in libello proprio Decreta omnia, quæ singulatim Clero sui Vicariatus relicta sunt, vt procurent executionem.
- 6 Distribuantur pia munera, libri spirituales, de quibus in Indice §. 4. n. 11. & 12.
- 7 Et recognoscatur ratio sumptuum pro victu factorum in Visitatione loci.
- 8 In Ecclesia stans Episcopus ante altare in cornu Epistolæ dicit. Psalm. De profundis, Preces, & Orationem pro Defunctis, vt in Pontificali, in fine Visitationis, & vadit.

ANNOTATIONES.

- 1 **Q**uid erit agendum, si fiat appellatio à Decretis Visitationis? aut si allegetur suspectus Episcopus?
- 2 Respondeo primo: non posse vti suspectum recusari, nec vlla allegatione suspicionis impediri, quominus pœna extraordinaria, quæ morum correctionem, & emendationem respiciat, visitatos afficere possit. sunt eadem verba S. Congreg. Conc. Trid. in sess. 7. cap. 3.
- 3 Neque per appellationem impediri, vel suspendi eadem S. Congreg. sess. 24. cap. 10.
- 4 Resp. secundo: si compilato processu formato iudicio, seruatis seruandis, prout iuris est, procedat Episcopus Visitans, admittitur appellatio post diffinitivam ita tamen, vt non suspendat executionem eodem c. 10. S. Congr.

Q 3 5 Et